

饒

儷

福



伉儷福

中華民國十年九月十版

言情
小說
仇儷福全一冊

定價大洋五角

翻印
版權
所有
必究

著者 毘陵李定夷

校訂者 永福村農

發行者 國華書局

印刷者 國華書局

分售者 各大書局

總發行所 國華書局

上海
四馬路

伉儷福弁言

吳東園君

福言富而貴賤箕疇洪範福履綏而樂只樛木周南壽考康寧商賢之所以談陰騭也好逮窈窕太姒之所以嗣徽音也苻菜河洲條枚江渚白魚既躍黃鳥于飛詠后妃則關雎歌王姬則巢鵲庶公姓則麟定緝子孫則螽斯宜家人則桃華懷吉士則梅實采芣苢則恩逮下蘋蘩則禮祀先琴瑟鼓鐘友樂訂房中之曲簫簧笙磬克諧言闔內之和禮重明嫌易占正位詩書所載綱紀所存男女別而人倫敍夫婦和而家道成古今來鳳凰卜而有五世之祥者未始非鴛鴦戢而先有一堂之福者也毘陵李定夷氏有見乎此遂有伉儷福之著慨自世道澆漓人情乖舛陽綱不振陰教益衰彤管貽而但知其美綠衣誦而不見其賢陰雨之悲終風之暴小星之畔畏露之行桑中既樂其奔柳下誰云不亂牆次可醜邱麥可譏采蘋菲則可怨贈芍藥則可離魴鯉則可羞鵲鴉則可恥敵體無鷄鳴之警同心無繭沒之誠偶因反目之嫌遂致剝膚之痛錦回文雖巧不能回薄倖之心珠慰藉雖多未必慰寂寥之苦或則下堂求去或則潑水難收或則世值亂離致嗟瑣尾或則戎行征戍唱斷刀頭或吼甚河東季常滋懼或美如城北嫖娼相依或怨耦非嘉或遇人不淑或則歎朱淑真之詩筒剝落或則傷李清照之詞卷飄零繡閣盡是愁城翠闥絕無樂地凡若此嘻嘻嗚嗚惕惕切切既多脫輻之災安有宜家之福耶惟君子保太和於乾健與易月而台明惟淑人稟厚德於坤元戒冰霜而馴致福固載之於地福先受之自天吾刪好合之詩吾

慕唱隨之樂不禁讀定夷所編之伉儷福唾壺擊碎矣爲之酒浮三白燭刻半紅以徐淑之賢得秦嘉之瑤琴靜好寶瑟諧和纏臂紗紅畫眉黛綠興來鬪草輟郎君章草之書情愜籌花創美女簪花之格載雖貴早朝不負香衾弋雁將翔昧旦每貽難珮玄機流暢和氣致祥萬福成楚茨福備隨形問影兩人不管一人俟命修身五福實兼百福不以窮通而改其樂不因出處而損其真富貴也歟哉豔福也玉堂分俸金屋藏嬌雲母開屏雪兒侍座鷓鴣勾進香泛梨花鸚鵡杯移色凝竹葉紅紅素素木盡合歡翠青青枝皆連理珊瑚欄曲百囀黃鸝玳瑁梁高雙栖紫燕藥月中而不老樹天外而恆春桃熟千年桂馨五夜媚廣寒之素姊遺曼倩之細君王有自來不從苦縣像如可畫合入甘泉若貧賤之伉儷亦何嘗非清福哉寄廬梁鴻當壚司馬舉案見齊眉之敬爲文成著手之春紅粉多情青衫少淚對牛衣而何泣撫馬磨而不愁不辭犢鼻之褌自得蛾眉之鑑野蔬充饕餮百落而味甘秋菊飄香佩荃蘭而色喜宦海思風波有險富家清霜露先零利鎖凶終名輻隙末生雖固慘死別尤悲孰若來婦安貧無過文君忘賤吟白頭以偕老盟素志以同臧濂愛河平平福地鸛鵲東海人不如鳥乎鰥鰥西方吾其爲魚矣俚紅倚翠是人生適意之時妃白儷黃亦我輩快心之事上界之雙星既會渡銀漢而有梁神山之明月長圓照玉臺而爲序

倪軼池君

瓶榎騰香脩夜無寐小齋春滿籌餞於紅一卷在几取豁倦眸標部曰伉儷福蓋吾友定夷攜藻拔華新撰著之家庭豔史也夫明月團圓相期無缺名花供養式好長春寧非人間幸福者然而事有難言矣勿論身世參商姻

緣間阻。衣香鬢影。春風來。背寇稍頭。白屋朱門。秋夢冷。芙蓉館裏。則乞借。媼仙之斧。難牽月老之絲。福何有焉。幸而同心之結。獲聯如意之緣。衡才貌。則珠壁交輝。入幃房。而瑟琴可鼓。乃或郎心石轉。別彈么鳳之弦。或妾貌花嬌。偏慣狂獅之吼。或竟薄紅顏之命。痛恤宗周。或忽摧紫玉之釵。神傷奉倩。斯皆造物之偏私。而亦人生之憾事。已獨此一編也。記事珠圓。可人玉輦。羣璇閨之繾綣。傳璫閣之風情。翠袖珊珊。賈氏本來國色。紅纓顆顆。冬郎猶有童心。聽鸛則巧試春衫。撲蝶或斜擊。紈扇刺鴛鴦。而欲倦倒臥。郎懷教鸚鵡。今無聊脉。通妾意。重以芳心識字。慧眼憐才。伴我晨妝。畫蛾痕而淺濟。陪他夜讀。添鴨鼎而氤氳。唾絨和花雨。齊飛。擲果試郎肩。正着來歸。燕子分爾雙棲。打起鴛兒。招他同夢。洵有影之必媚。復何笑之不妍。而且薄醉。噴郎低聲。問母風光。無限頻傾。連理之杯。兒女何知。共引合歡之枕。天生麗質。喜怒哀都佳。室有慧兒。笑譚亦雅。凡茲韻語。有美必臻。况李子以稗野傑才。寫閨幃韻事。濡毫蘸墨。口黏班管之香。壓篆燒芸。手擘邱池之錦。是又於美人福說。部外演繹。而歸納之者也。吾知是書一出。而青大缺。補人間無長恨之歌。碧海波平。世上少斷腸之曲。則偷來賸語。可補關雎好合之章。而解得真詮。聊助內則。刑于之化。是爲序。

朱劍山君

夫婦爲人倫之始。亦屬王化之端。故古人論治國之道。必推本於齊家。而禍福之階。必追源夫婚事。君子之道。造端乎夫婦。卽此意焉。昔向季見冀缺之夫妻。相敬攜缺以薦。文公臯伯通見孟光之舉。按齊眉。乃卽延鴻於家。是以禮貴男女之際。詩著關雎之章。果能敦幃以固。勸勉以貞。夫莫鮑宣伯。鬱之高婦。從少君孟光之事。則一門之

內聲應氣求道同志合融融泄泄和樂且耽於此而求伉儷之樂樂在斯矣於此而求伉儷之福福在斯矣泊乎歐風東漸唱隨無節自平權之說興而夫婦之道乖離婚之風起而夫婦之情薄於是散灰扇戶閨門時聞詬詈之聲積年敬替居處絕少肅雍之禮欲江伉儷之樂竟渺乎其不可得又遑論乎伉儷之福也哉康穢清化虧損人倫莫此爲甚是不特綱常之大變抑亦世道人心之大患焉伉儷福一書爲余友昆陵李定夷先生所著其中情節純從溫良賢淑處着寫如詠關雎之詩樂而不淫夫婦之間足資模範而其筆墨之清逸尤爲現今小說中所僅見既可挽回近世之頹風又可增進家庭之幸福讀其書者咸曉然於綱常之大義相率而趨於和樂洵有功世道之作鴻富既佩其有裨教化而又自幸得列名於簡端因自忘其不文也而爲之序

陳秋水君

夫連山託始坤乾兩儀成而陰陽胙合風詩肇基周召二南化而家室歡諧蓋造化網緼蒸成瑞氣人天叶應被得和風理有固然無足異也奈何東南陷而西北傾兩間亦多遺恨寒暑貳而日月蝕大塊不自蓋愆由是宵以爲形感而成化者亦若種有惡因難收善果是以或游魚寄與費潘岳之哀詞或寡鵲成歌灑陶嬰之苦淚或母也不諒陸務觀悵立芳園或魂兮歸來漢武帝空登錦帳或落花隨濁溷了却青春或奪月遇小星憂深黃裏或作夢輾之小玉薄命徒嗟或爲墜樓之綠珠芳魂欲絕或羹湯試作不憚于君姑小姑或縑素織成見嫉于大婦中婦遭遇不無小異缺憾畢竟從同故在彼長恨綿綿者必令人代呼荷荷矣乃者定夷李子法媯皇補天之手段成精衛填海之功勞花月留痕笑韋癡珠尙無豔福石頭成記歎賈神瑛徒惹情魔亭下遺魂苦矣臨川之曲

廟前待月。陋哉。實甫之詞。獨出心裁。巧排筆陣。不尙哀感。頑豔始知。歡愉亦工。同是悵惻。纏綿未染。淫靡之習。遂使情天月朗。恨海波平。寫來美滿。姻緣惹河鼓。天孫俱妬。演到有情。眷屬疑秦嘉。徐淑重生。揮毫而字。字珠璣。光增豔。史擲地而聲。金石名重。稗官是真。不愧黃絹幼婦之詞。香艸美人之作矣。忝疏短引。不覺大慚。蓋不能類上。添毫妄自佛頭著糞。恐等于太玄之覆瓿。魯論之當薪也。

伉儷福題詞

許濁物君

定夷先生。毘陵名士。黃卷功深。文壇馳譽。青年學富。著作等身。甲寅歲。膺小說新報主任之席。余亦謬附驥尾。欣瞻龍門。一見之下。遽爾傾心。兩載相依。無殊舊識。承以所著伉儷福說部見示。意致纏綿。文情備至。傳聞中之深情。寫人間之豔福。紅顏薄命。盡翻成例。黃絹新詞。別開徑途。誠足以洗情場之邪穢。繼雅樂之精神矣。爰于卷末。附以少詞。非敢題識。聊誌欽佩云爾。

兒女心腸。是英雄雅樂。首房櫺。試看今古。幾多豪傑。孰不情濃。錦心繡口。才人筆妙。舌燦芙蓉。俠腸一片。柔情無限。盡在此中。(調寄眼兒媚)

須識世間。負情儂。都是可憐蟲。如君情致。纏綿悱惻。方是英雄。茲悲心願。深無際。涉筆醒凡庸。書成一卷。堪抵多少暮鼓晨鐘。(疊前調)

詩首關眸。豈無因。編次寓意深。惟願世上。有情眷屬。珍重人倫。情天缺陷。憑誰補。腕底見精神。紅顏薄命。盡翻成例。方顯真情。(再疊前調)

汪詩圃君

紅線緣牽。碧城侶。合百年豔福。誰消修到。今生天教。金屋藏嬌。涉江采得芙蓉種。並頭開暮暮。朝朝漫輸他德耀。

眉齊京兆眉描。絕無玉質湘娥怨。又何來淚影。向西窗拋。萬種歡情。寫殘。蕤幅。鮫綃。鴛鴦。卅六。原同命。儘長看。顚翼雙交。况當時七夕。凭肩密誓深宵。（調寄高陽台）

程筠甫君

缺陷情天補。記當年花間攜手。喁喁私語。美滿姻緣。前生定。且喜赤繩繫住。况舊誼重聯。新語紅燭。兩行人並坐。把蘭閨歲月。從頭數。機上錦絨心緒。人間多少。癡兒女。最堪憐。鸞鳳泊。愛河難渡。對此一雙鴛鴦。鳥不羨蓬萊仙侶。便說與姮娥。應妬賦到小星圓。好夢想。郎心體得。儂心苦。十載事。口中訴。（調寄金縷曲）

吳絳珠女士

雙燕子。信是吉祥。釵白玉一枝。纔合股。烏衣累葉。又投懷。仙眷許蓬萊。歌福祿。戢葉只鴛鴦。貧樂方知鴻案敬。尊榮不識鹿車忙。紫綬又金章。參透否絮果。又蘭因蓮座珠垂。無恙子蘭。閨鏡照。有情人。豔福證三身。京兆筆。第一畫眉。工名士手。搓芸葉綠。美人髻。綰杏花紅。身在綺羅叢。徐淑美。夫壻是秦嘉。連理枝生連理樹。合歡條繫合歡花。福澤自無涯。綏福履。穆葛賦新詩。江漢楚薪思。永廣河洲荇菜。喜參差。螽斯子孫宜。（調寄江南好）

許碧霞女士

悲馬磨。泣牛衣。一般貧賤歎夫妻。無端破涕翻爲笑。且賦南樛福履綏。

朝。蛺。蝶。暮。鴛。鴦。雙。飛。雙。宿。總。成。雙。羅。浮。自。是。神。仙。眷。小。雅。同。群。福。祿。章。
(調寄桂殿秋)

陳琴仙女士

樛。木。從。來。福。履。綏。桃。天。南。國。入。風。詩。宜。家。宜。室。兩。相。宜。
燕。翼。貽。謀。先。比。翼。蛾。眉。畫。樣。永。齊。眉。一。窗。花。月。夜。題。辭。
坐。對。鴛。鴦。詠。畢。羅。襖。穠。還。福。自。求。多。左。宜。右。有。意。如。何。
窈。窕。好。逮。鐘。鼓。樂。唱。隨。靜。好。瑟。琴。和。珊。瑚。玉。樹。總。交。柯。
才。藻。翩。翩。李。定。夷。著。書。立。說。大。名。垂。良。金。美。玉。重。當。時。
泮。渙。優。游。徵。芾。祿。吉。祥。富。貴。萃。蕃。釐。文。人。十。九。寓。言。奇。

(調寄浣溪紗)

華扶雲君

神。仙。眷。屬。即。鴛。鴦。緣。締。朱。陳。芾。祿。康。熱。血。彌。綸。溫。愛。界。豔。情。固。結。綺。羅。鄉。月。圓。花。好。春。如。海。璧。合。珠。聯。夢。亦。香。費。
盡。青。蓮。五。色。筆。替。他。兒。女。寫。懽。腸。
旖。旎。風。光。百。歲。長。神。仙。眷。屬。即。鴛。鴦。顏。紅。寫。出。綿。綿。史。研。墨。吟。成。窈。窕。章。豔。福。三。生。嬪。越。女。清。才。一。代。嫁。江。郎。萬。
重。春。證。房。櫳。暖。不。羨。人。間。南。面。王。
周。南。風。化。播。江。湘。鐘。鼓。聲。諧。琴。瑟。張。牛。女。星。辰。盟。鵲。鳥。神。仙。眷。屬。即。鴛。鴦。鹿。車。手。挽。爭。誇。鮑。鴻。案。眉。齊。競。羨。梁。從。
此。情。天。彌。缺。憾。無。煩。煉。石。倩。媧。皇。
閨。閣。雍。容。氣。象。呂。鸞。笙。鳳。管。協。宮。商。芙。蓉。嬌。貯。黃。金。屋。蘋。藻。芬。揚。白。玉。堂。兒。女。情。懷。化。鸞。鵲。神。仙。眷。屬。即。鴛。鴦。合。
歡。圖。裏。雙。雙。影。還。祝。地。天。久。且。長。

同心錦帶結丁香。月夕花晨極樂鄉。管絃風流忘富貴。徐秦憐愛擅詞章。蛾眉淡掃珊瑚筆。燕夢雙棲玳瑁梁。更喜飛瓊曾下嫁。神仙眷屬卽鴛鴦。

黃花奴君

嚼來滿口臙脂水。睡出情絲萬丈長。寫到纏綿細膩處。墨花常帶粉花香。碧紗窗上映芙蓉。一段閨情豔又穠。看向月明人靜後。如聞兒女話喁喁。

邢耐寒君

詩詠關雎賦好逑。此君豔福幾生修。雲鵲海鯨春如許。夜合花開鵲樓香。沈夜靜語喁喁若箇愁。癡似阿儂窗外合歡窗。裏夢鐙紅月白露華濃。玉樹春深連理枝。芙蓉香暖日遲遲。鏡台自古多佳事。瑣閨房勝畫眉。懷鉛握槧記鴛詞。翰墨芬菲不自知。從此閨中小兒女。朝朝羨煞合歡枝。

讀伉儷福雜述

(心玉劉裴邨)

定夷撰伉儷福既竟。謂裴村曰。伉儷福成矣。子宜有述。嘻。不文如裴村。乃亦敢跋定夷之小說耶。然定夷既以心相許。裴村即相印以心。因撫拾謠言。誌之篇末。權當一跋而已。

自自由之風盛行。而夫婦之道大苦。或以夫婿之情不專。遽作河東獅吼。或因揮霍之給不足。輒效遼西鶯啼。或不甘守貧。琵琶別抱。或寵奪色衰。秋扇見捐。或風波起於醋海。或怨讟出自庭幃。要之俱非閨房之福。定夷以青蓮之奇才。寫紅閨之逸韻。宜乎嬌紅燦碧。儷白妃青。極香豔之能事。

雖然。猶未已也。定夷自謂著此書之意。蓋欲使庭閣不睦者。言歸於好。愛情索篤者。自首永歌。此其懷抱此其心志。吾固知定夷非欲以豔麗之詞媚世也。

余嘗謂今日之小說。犯兩大病。一則輒好以奇麗之詞。塗附堆砌。一則寫書中主人。非天女化身。卽曼妙絕倫。千篇一律。援爲成例。其實用筆之處。妙在暢達。堆砌適足以辭害意。婦在之賢。乃女婉淑。不必以色見。長如寫某也。如何窈窕。某也。如何斌媚。非特不足以振拔社會。反致閱者。恫恍迷離。疑竇莫釋。是書一洗小說通病。用筆則渾灑活潑。大足以感動人心也。

余展閱各種小說。泰半哀情。蓋窮苦之作。易工歡娛之詞。難好定夷既發宏願。作一百回文。言豔情之美人福。又撰此伉儷福。已能人之所難能。乃閱本書末節。日後必有題紅館日記。分版瑰璋。奇才我爲傾倒。

坊間之作。不盡病於哀情。實亦啓踰牆鑽穴之端。明明。漢。上。桑。間。而。美。其。名。曰。猩。狸。相。惜。明。明。懷。春。蕩。思。而。美。其。名。曰。慧。心。熱。腸。非。以。通。信。爲。媒。介。卽。以。教。讀。爲。起。因。此。書。却。從。夫。婦。間。說。起。光。明。正。大。殊。可。法。則。苟。有。目。此。爲。蕩。詞。者。余。必。斥。之。曰。豈。必。誘。人。嬌。女。淫。人。寡。婦。而。後。始。足。爲。美。談。耶。

或問定夷既作美人福。胡爲又作伉儷福。余曰。美人福。廣義的言也。伉儷福。狹義的言也。美人之福。固難伉儷之。福亦難故定夷既作美人福。以餉世之美人。復作伉儷福。以餉世之伉儷。

或問伉儷福與仕宦有關係乎。余曰。有。世人一行作吏。往往三妻四妾。終致愛情不專。女婦之間。視若仇讎。一讀伉儷福。乃知多妻不如一妻。故仕宦讀之。大大有益。什麼說沒關係。

或問伉儷福與學生有關係乎。余曰。學生血氣方剛。智識早開。往往課餘之暇。尋花問柳。既耗金錢。又損精神。一讀伉儷福。便知守身如玉。擲節寶貴之愛情。以待異日結婚後用之。故學生讀之。亦大有好處。

或問伉儷福有益於女生乎。余曰。伉儷福之作。正爲造福今日之女生也。一部分之青年女子。吸得幾口新鮮空氣。便滿口文明自由。不惜犧牲。一切致貽無窮後悔。一讀伉儷福。便知苟合爲人所吐棄。順從爲世所尊敬。日後蓮開並蒂。笛譜雙聲。此皆伉儷福之功也。

或問伉儷福有益於征人旅客乎。余曰。世之離家外出者。往往因客居無聊。別尋野味。負家中牀頭人不淺。閱此便知陌頭柳色。卽是少婦離愁。應倦懷家室。更何暇另圖好夢乎。

或問工商農販及一切人等。閱伉儷福有何好處。余曰。世之愛情不專者。無非以家中黃臉婆子。損於色耳。讀此

書便知蓉華非絕頂美人而夫婦間情好甚篤濟和又別無奢望大可作諸人模範一切衆生看了伉儷福均可增進一層愛情有莫大好處

或問昔賢勸人讀經余爲何勸人讀伉儷福余曰禮重夫婦詩首關雎而不佻樂而不淫伉儷福本宗是旨吾安得不勸人讀耶

或問余既評疊化影何以又仕伉儷福上說這許多亂語余曰此均壽世之文余縱文安得不綴數語祇文字惡劣有玷定夷之名著耳

伉儷福旨趣

自由之化行。夫婦之道苦。離婚之說行。夫婦之道尤苦。青年男女。偶被歐風。動言戀愛。漢上之歌。終風之賦。視爲當然。始亂之。終棄之。行固可誅。卽不然。亂之於初。成之於後。鴛鴦之褸甫結。伉儷之怨旋生。亦屬比比皆是。始之不愼。終亦禍根。吁。可歎哉。以吾目覩耳聞言之。不下恆河沙數。端居之頃。嘗發宏願。誓效生公說法。以期頑石點頭。因有是書之作。雖屬閨房細語。實爲苦口婆心。竊願世間伉儷。盡如吾書之主人翁。宜家宜室。亦唱弄隨。則吾書不虛作矣。吾聞之。大言炎炎。小言詹詹。吾

伉儷福 旨趣

言雖小。吾意固不僅詹詹已也。

墨隱廬主人毘陵李定夷劍欽氏識

二